


Thaydwan 10



Dinhmung Akhat

Damhpouc Ravguangc rui ata Ravguangc nac ti swlou khang mi khou hei bam e!

Damhpouc
Ravguangc
rui ata
Ravguangc
nac ti swlou
khang mi
khou hei
bam e!

Baibal Pary

Damhpouc Ravguangc rui ata Ravguangc nac ti swlou khang nai e, twmei dinhmei pary sinsw o

Gaychamv Parybuk Panguh. Kasap 2-19. Damhpouc Ravguangc Bam e!

Taanhmei naa: Blackboard lev chalk, ramh e thei mbut lev hy khang thing tang, ramh e thei che lev pensil akhatni eraser.

Kamaengc hyna pary rac o.

Gaychamv Parybuk Panguh tuang kasap 8-15 khou hyloumei maengc guay tei lyanna mi pary tei alaunc nunc khou paclou o.

1, 2, 3 pary kahouh tho...

Damhpouc Ravguangc rui hei kumcna sa bammei ai chu ngam e, 'Ai rui nang ta tingsaeng zaeng khang kanduaklou puni.' Ai ntumei akhat ta how ngam me. Kazanv rui Mary kaw e.


Damhpouc Ravguangc tuang gaymei bumaengc rui Mary khou hei kumcna sa bammei ai chu ngam e, 'Nang nggaanvmei nac akhat nai puni. Kazanh rui Jisu twna kaw puni. Jisu hei Damhpouc Ravguangc tuang Bumaengc khou rui e. Jisu rui nang ta tingsaeng zaeng khang kanduaklou puni.'

Ai nggaanv chabwan akhat ta how ngam e. Kazanh rui Joseph kaw e. Joseph pu-pou nunc Guangh David tuang zatc khou rui e. Guangh David hei Abraham tuang zatc khou rui e.

Damhpouc Ravguangc rui gaymei bumaengc akhat khou hei kumcna sa bammei ai chu ngam e, 'Tatna Joseph khou Mary tei kanow sw nic na e twna sa o. Mary tei nggaanvmei nac akhat nai puni. Kazanh rui Jisu kaw puni. Jisu hei Damhpouc Ravguangc tuang Bumaengc khou rui e. Jisu rui nang ta tingsaeng zaeng khang kanduaklou puni.'

Damhpouc Ravguangc guang pu the...

Thaydwan 10



Kaganv tat kan the. Damhpouc Ravguangc rui zingbangc tingpuk khou gaanchuangcna kathanc damc bammei ta ai how ngam e. Gaanchuangcna kathanc tei gaanc...gaanc...gaanc bam e.

Ningtyngmei nunc rui zingbangc tingpuk thaeng zauhku...zauhku...zauhku bammei ta ai how ngam e. Gaanchuangcna kathanc tei rui kabamv ta souc...souc...souc na bam e.

Ningtyngmei nunc tei kaidai launa...chaengluang nthyammei...kai launa khou gaanchuangcna kathanc ta layzuan guangmei ta ai how ngam e. Joseph, kanow khatnic ngana launa Jisu ta ai how ngam e.

Damhpouc Ravguangc rui hei kumcna sa bammei ai chu ngam e, 'Mi ngana launa Jisu rui nangniw ta tingsaeng zaeng khang kanduaklou puni.'

Ningtyngmei nunc rui ngana launa Jisu khang lu suan bammei ta ai how ngam e. Nang ta tingsaeng zaeng khang kanduaklou khang Damhpouc Ravguangc rui ngana launa swna guang the. Damhpouc Ravguangc mi bamv khou hei bam me!

Minungc zingbangc kahak tei...

Lauziu gaenghmei nunc ta ai how ngam e. Lauziu pang ta ai how ngam e. Damhpouc Ravguangc rui gaymei bumaengc akhat khou hei kumcna sa bammei ai chu ngam e, 'Tatna lauziu gaenghmei nunc khou sa o, ping riw, ai nangniw khang gaychamv tii e. Nangniw ta tingsaeng zaeng khang kanduaklou khang Jisu hei khou hei bamv e.'

Dai, dai, daimei gaanh mei riw akhat ai how ngam e. Dai, dai, daimei gaanh mei riw tei gaymei bumaengc e twmei ai how ngam e.

Gaymei bumaengc tei rui lauziu gaenghmei nunc khou hei kumcna sa bammei ai chu ngam e, 'Pingriw, ai nangniw khang gaychamv tii e. Nangniw ta tingsaeng zaeng khang kanduaklou khang Jisu hei khou hei bamv e.'

Akhat...kanei...kathum...padei...pangu...charuk...chanei... mpey, mpey, mpey na gaymei bumaengc rui Damhpouc Ravguangc khang lu suan bammei ta ai how ngam e. Gaymei bumaengc mpey, mpey, mpey na rui hei kumcna sa bammei ai chu ngam e, 'Damhpouc Ravguangc khang lu suan o. Jisu khang lu suan mei guay khang chuzanghmei nai diw.'

Thaydwan 10



Gaymei bumaengc nunc mpey, mpey, mpey na rui tingpuk thaeng samc ku...
ku...ku bammei ta ai how ngam e. Lauziu gaenghmei nunc rui Jisu khang
lu suan bam mei ta ai how ngam e. Nangniw ta tingsaeng zaeng khang
kanduaklou khang Damhpouc Ravguangc rui ngana launa swna guang the.

Damhpouc Ravguangc mi bamv khou hei bam me!

Mi pary maengc tei hy khang alauc nunc ta sa o.

Action Lu

***Damhpouc Ravguangc rui ata Ravguangc nac ti swlou khang nai e,
twmei dinhmei action lu sinsw o!***

Ngana Jisu, ngana Jisu (ngana pamhmei thiak swna nang baanc kathiwi o)
Aniw khang puanclou, aniw khang puanclou lou (nang baanc nang ngaengv
khou lou o)

Guang o, aniw kata kalum kho (nang baanc kalummei thiak su o)

Guang o, aniw kata kalum kho (nang baanc kalummei thiak su o)

Neihlana, neihlana. (nang baanc zaythau o)

Ngana Jisu, ngana Jisu (ngana pamhmei thiak swna nang baanc kathiwi o)

Aniw khang puanclou, aniw khang puanclou (nang baanh nang ngaengv
khou lou o)

Aniw ta gulou khang nang guang e (nang baanc zay kauh thau o)

Aniw ta gulou khang nang guang e (nang baanc zay kauh thau o)

Amen, amen (nang baanc kalummei thiak su o)

Ngana Jisu, ngana Jisu (ngana pamhmei thiak swna nang baanh kathiwi o)

Aniw nang ta nzian e, aniw nang ta nzian e (nang rana nang ta pamc o)

Aniw tingkauh tat puni, (kauh thangc souc o)

Aniw tingkauh tat puni, (kauh thangc souc o)

Nang ta thuancku e, Nang ta thuancku e (nang baanc kalummei thiak su o).

Object Lesson

***Damhpouc Ravguangc rui ata Ravguangc nac ti swlou khang nai e,
twmei dinhmei object lesson sinsw o!***

Taanhmei naa: Thingkhuk lev maengzau. Dinc kahouh mak khou maengzau
tei thingkhuk lungc khou lou o.

Mi khuk lungc khou hei Damhpouc Ravguangc nac nunc maengc nai e twna
alauc nunc khou sa o. Kaniw gaanv khat khat swna guang zaucna, lat sa
makna kabamv kabamv dungc tat dat khang sa o. Meic guayna mi khuk lungc
khou tei zauc ngam mak saanv gaanv khat na sini lat sa nuh mak e.



Thaydwan 10

Meic guayna mi khuk lungc khou tei zauc tang pw khou, mi lat hei thanv o.

Mi khuk khou tei nang niw thow ta how bo? Mi tei nang khuangh e twna ning bo?

Nangniw hei Damhpouc Ravguangc nac e khatni kakhang kunhmei e twmei nang niw thay dai?

Jisu hei Damhpouc Ravguangc Bumaengc khou rui e twmei dinclo o. Jisu hei nang ta tingsaeng zaeng khang gulou khang angana swna guangmei Damhpouc Ravguangc e twmei dinclo o.

Aniu Jisu khou lwmlou pw khou aniu Damhpouc Ravguangc nac nunc e.

Baibal Ningtow Chyam Tuang Talicmei

Damhpouc Ravguangc rui ata Ravguangc nac ti swlou khang nai e, twmei dinhmei Baibal chyam sinsw o

Ravguangc twmei hei Damhpouc Ravguangc zanc baihmei akhat e twmei dinclo o.

1 John 5:1 *'Thow pw ni Jisu hei Khrista* e twna lwmpui mei tei Ravguangc nac the. Pu ta nzianpui mei tei kanac ta ni nzian e.'*

Taanhmei naa: Blackboard khatni chalk, ramh e thei mbut lev hy nimei tang, ramh e thei che lev pensil akhatni eraser.

Baibal ningtow chyam tei hy patna sa o kumna nang hy patmei tei kaniw lay sa khang sa o. Alauc nunc tei pac thay mak he thei, Baibal ningtow chyam tei hy pat khang kage maek e.

Baibal ningtow chyam lat nunc tei sa o. Latkaeng kathumh kakaanv kaanv khou sw maan o. Ntaw kaniw pac dat khang, nggaanvmei nac nunc rui mi tei hylou dat khang nggaanvmei gaanv khat ta kapah o. Baihmei latkaeng kathumh sw maan dat o.

Ntaw mi Baibal ningtow chyam tei pac dat khang, ntumei nac nunc rui ntumei nac gaanv khat kapahna ti hylou dat o.

Meic guayna mi Baibal ningtow chyam tei sa nchamc dat guai o.

Laalouna Piu Nimei

Damhpouc Ravguangc rui ata Ravguangc nac ti swlou khang nai e, twmei dinhmei laalouna piu nimei sinsw o

Rac ndauhmei: Nang Ravguangc nac e twmei tuang nang panty khou kalaihmei asaekc rac ndauh o.

Huayneyme: Damhpouc Ravguangc, ata tingsaeng zaeng khang gulou khang nang angana swna guangloumei khang thuancku e. Ai Jisu khou lwmlou pw khou, ai Damhpouc Ravguangc nac swmei khang nang ta thuancku e. Amen.

Damhpouc
Ravguangc
rui ata
Ravguangc
nac ti swlou
khang mi
khou hei
bam e!

* Thauh teyloumei meic. Guloumeipu Damhpouc Ravguangc.

Thaydwan 11



Dinhmung Akhat

Jisu hei Mbaanv khang Gaanhmei e

Jisu hei
Mbaanv
khang
Gaanhmei e

Baibal Pary

Jisu hei Mbaanv khang Gaanhmei e, twmei dinhmei pary sinsw o

Gaychamv Parybuk Panguh. Kasap 20-29. *Ai How the.*

Mi pary hei alauc nunc lev drama swna talic o. Alauc nunc khou aniu drama 'Ai how the' tumei talic puni twna salou o.

Talicmei nunc: Pary rahmei mei khatni director (tadin nang), Jisu (alauc akhat), mik tiatmeipu (alauc akhat), ravchap tadin (alauc akhat), Jisu ziap nunc (alauc kathumh) khatni meic kangdai (drama khou kazauh makmei alauc guayna).

Gaychamv Parybuk Panguh tuang kasap 20-29 tei pacna pary rac o. Nang pacna pary tei rac key pw khou, katuang katuang dam patmei ganv khou mi tei talic khang dinclou o. Drama khou kazauhmei nunc tei pac thay e thei, *Gaychamv Parybuk Panguh* tei kaniw khang tiilouna kamei kamei sa nimei lat tei pah khang sa o.

Latkhang: Kasap 20-21. Alauc nunc tei kaniw kaithyan khou bammei thak sw o twna sa o. 'Meic kangdai' thiak swmei alauc nunc tei kaithyan khou ramh liu khang zauc tat bammei thiak sw o. 'Mik tiatmeipu' thiak swmei pu tei kachung khou dungcna kabaanc haemv patna syan ney bammei thak sw o.

Pary tei pacna rac o. "Jisu ziap nunc rui, 'Mi pu kamik tiatna puanc patmei hei kamei simeitanc tina cho?' twna samei ai chu e" twmei nang pac guang tangc pw khou, Jisu ziap swmei ta alauc nunc ta tei souc o. 'Mi pu kamik tiatna puanc patmei hei kamei simeitanc tina cho?' twmei hei kaniw Jisu thei layna mik tiatmeipu ta tei tat kaan patmei ganv khou sa khang (pac thay e thei pac o) dinclou o.

1, 2, 3 drama kahouh tho...

Thaydwan 11

Action Lu

Jisu hei Mbaanv khang Gaanhmei e, twmei dinhmei action lu sinsw o

Ai Ringhpouc tuang gaanhmei khou tat bam e (x3)

Ringhpouc tuang gaanhmei khou tat bam e

Tat, tat, tat gaanhmei khou (x3)

Ringhpouc tuang gaanhmei khou tat bam e

(Mathangcmei chyam khou 'tatmei' ta 'kachuamhmei' rui lyn na suan o)

(Mathangcmei chyam khou 'kachuamhmei' ta 'pakmei' rui lyn na suan o)



Object Lesion

Jisu hei Mbaanv khang Gaanhmei e, twmei dinhmei object lesson sinsw o

Gaanhmei damclouna, gaanhmei rui zinghmei suangc tanc e twmei Damhpouc Ravguangc rui lyanlou e. Gaanhmei rui zinghmei ta thui ganc e.

Lyanloumei: Nang dinc bammei bamv tei ti zingclou o. Gaanhmei rui zinghmei ta thui ganc e twmei lyan khang khuailiw mairam daanc o, ramh e thei mbiu mairam nym gaanc o, ramh e thei electric by gaanc o. Jisu hei mi gaanhmei kumhmei e twna dincloou o. Sime bumaengc guay tuang khatni aniu tuang sime taanv guay tuang zinghmei ti maan khang Jisu hei bumaengh tuang gaanhmei e. Gaanhmei rui zinghmei suangc tanc e twmei ningtow o. Zinghmei ta thui ganh khang Jisu khou na ngamv nai e. Nang lev ata tingsaeng zaeng khang gulou khang Jisu guang tuang e.

Baibal Ningtow Chyam Tuang Talicmei

Jisu hei Mbaanv khang Gaanhmei e, twmei dinhmei Baibal chyam sinsw o

John 8:12 'Kanaac Mpouh ta laatowmei guay tei mi ringcsuangmei hei laatow the; tiki Ravguangc Nac Mpouh ta laatow makmei guay tei ringcsuangmei laatow mak e.'


Picture Word Game:

Taanhmei naa: Mpwanbungc nzinhmei khat permanent marker miwmei.

Nang ta nkhlavlou khang alauc gaanv thumh ta hu khou kaw pat o. Kaniw gaanv thumh khou mpwanbungc akhat khat tiilou o kumna mi tei amuan tingcna mpwan pat mak khang karaklou o.

Jisu hei
Mbaanv
khang
Gaanhmei e

Thaydwan 11



Jisu hei
Mbaanv
khang
Gaanhmei e

Alauc gaanv thumh tei alaue guay hu khou ding dah khang sa o. Amuan tingcloumei mpwanbungc akhat laana gaanhmei rui zinghmei ta thui ganc mei maengc mi khou tei hylou o. Mi mpwanbungc tei mi nac khou tei tii datna mi kamaengc hyloumei tei alaue nunc khou lyan khang sa o. Baihmei amuan tingcloumei mpwanbungc tei laana mi khou theihchouc daihmei akhat hylou o. Mi tei mi nac khou tei tii datna alaue guayna khou lyan khang sa o. Amuan tingcloumei mpwanbungc baihmei akhat tei laana mi khou tei kandih maengc hylou o. Mi tei mi nac khou tei tii datna alaue guayna khou lyan khang sa o.

Kamaengc akhat khat tuang latkaeng tei dinc pat khang alaue nunc khou sa o. Nkhwan kanakna kaniw dinc pat ngam mak e thei, thay nuhmei mun dinclo o. 'Gaanhmei', 'Jisu' khatni 'mbaanv' twmei latkaeng dinc pat e thei, padeihmei nkhavloumei ta tei mi latkaeng kathumh hei kalwan nchumhna lou khang sa o. Reyhmei 'Jisu', mi tangv 'mbaanv', nkhamhmei 'gaanhmei'.

Baibal ningtow chyam tuang kabac tei dinclo o: 'Jisu mbaanv khang gaanhmei e'. Alaue guay khou mpwanbungc nzinhmei tiina mi tei amuan tingcna karaklou khang sa o. Mi khou tei theihchouc, gaanhmei rui zinghmei ta thui gaanhmei khatni mbaanv mi mpwanbungc khou tei hylou khang sa o. Hy thaymei guay rui mpwanbungc khou tei kazanc kazanc hylou o. Alaue nunc khou Baibal ningtow chyam tei dinclo o.

Laalouna Piu Nime


Jisu hei Mbaanv khang Gaanhmei e, twmei dinhmei laalouna piu nime sinsw o

Aniu ramh ping khou, sime lungning pat khou, sime lat sa khou, sime taanv taanh khou, nnau key khou, Jisu nang rui ata nzianna mi kumhmei sime guay khou rui ata guloumei khang thuancku e twna aniw Jisu khou sa nuh e.

Jisu hei mbaanv khang gaanhmei e kumna Jisu zinghmei suang tanc e. Jisu na rui zinghmei ta thui ganc ngam e.

Huayneyme: Damhpouc Ravguangc, nang ata nzian tanh tan bammei khang thuancku e. Jisu, nang mbaanv khang gaanhmei swpui zaeng rui thuancku e. Zinghmei ta nthau ganclou khang nang guangmei khang rui thuancku e. Thuancku e Jisu, nang zanc khou aniw huayney e. Amen.

Thaydwan 12



Dinhmung Akhat

Jisu rui kuaklou e khatni kamei hei chuzhengmei tiimeipu e

Jisu rui
kuaklou
e khatni
kamei
hei chuz-
hengmei
tiimeipu e

Baibal Pary

*Jisu rui kuaklou e khatni kamei hei chuzhengmei tiimeipu e, twmei
dinhmei pary sinsw o*

Gaychamv Parybuk Panguh. Kasap 30-36. *Chuzhengmei Tiimeipu.*

Taanhmei naa: Blackboard lev chalk, ramh e thei mbut khatni hy khang thing tang, ramh e thei che lev pensil. Alauc nunc ramh maengc hymeche, ramh e thei chepaek, pensil khatni eraser kage nai e.


Kamaengc hyna pary rac o. Kasap akhat pac luaime kachuic alauc nunc khou lat thanv o.

1, 2, 3 pary kahouh tho...


Tingmik baihmei, kaganv baihmei, kabamv baihmei. Ngaanvmei akhat ta ai how ngam e. Kazanh rui Simon kaw e. Simon rui Jisu khou hei kumcna sa bammei ai chu ngam e, 'Nzianlouna akai khou guanglou O.' Simon kai lungc khou Simon lev Jisu tei ai how ngam e. Simon kailungc khou meicpui akhat ta nic ai how ngam e. Mi pui tei simeitaa nv mpeyna taanh khwan the. Mi pui tei Jisu phay khou bow key bammei ta ai how ngam e.

Mi pui tei kap bammei ta ai how ngam e. Kamik dui tei Jisu phaypav khou zowkei bam e. Mi pui tei kasam rui Jisu phay sw nthanlou bammei ta ai how ngam e. Jisu rui mi pui khou tei hei kumcna sa bammei ai chu ngam e, 'Nang rui simeitaa nv mpeyna taanh lou kanmei guay tei, ai nang ta kuaklou the. Chuzhengna tat tho.' Jisu na rui chuzhengmei tii e. Jisu khou na zinghmei ta thui ganh khang ngamv nai e.

Damhpouc Ravguangc mi bamv khou hei bam me!



Thaydwan 12



Action Lu

Jisu rui kuaklou e khatni kamei hei chuzaenghmei tiime pu e, twmei dinhmei action lu sinsw o

Guangh guayna guangh khatni kaipouc guayna kaipouc. Himdaihmei Halleluiah!
Jisu, nchu-nzaengmei guanghnac. Himdaihmei Halleluiah!

Object Lesson

Jisu rui kuaklou e khatni kamei hei chuzaenghmei tiime pu e, twmei dinhmei object lesson sinsw o

Taanhmei naa: Alauc nunc khang nrit langv makmei ntau but kathumh.

Nang ta nkhlou khang alauc gaanv nei ta kaw o. Gaanv khat (mi alauc ta souc o) rui Jisu thak sw puni kumna baih akhat (mi alauc ta tei souc o) rui Jisu ta thay makna Jisu ta zauh makmei khatni kalum makmei alauc akhat thak sw puni.

Jisu ta thay makmeipu tei sime lungning kakhanh bam e twna dinclo o.
Jisu ta thay makmeipu khang tei ntau but tei puanh khang tii o. Jisu ta thay makmeipu rui sime lungning kakhanh bammei hei mi tauc kumhmei tuang e twna dinclo o.

Jisu ta thay makmeipu hei sime taanv taanc bam e twna dinclo o. Jisu ta thay makmeipu khang tei ntau but baihmei akhat ni tii dat o. Jisu ta thay makna sime taanc bammei hei mi tauc but kumhmei e twna dinclo o.

Jisu ta thay makmeipu tei sime lat sa bam e twna dinclo o. Mi pu khang tei ntau but baihmei akhatni puanh khang tii dat ti ho. Jisu ta thay makna sime lat sa bammei hei mi ntau but kumhmei e twna dinclo o.

Jisu ta thay makna ntau but kathumh puanc bammeipu ta tei Jisu ta zauh khang sa o. Jisu ta thay makmeipu rui puanc bammei tauc but guay tei Jisu thak swmeipu tei rui laa khang sa o.

Jisu na rui chuzaenghmei tii e. Jisu na rui zinghmei thui ganc ngam e.

Jisu rui
kuaklou
e khatni
kamei
hei chuz-
aenghmei
tiime pu e

Thaydwan 12

Baibal Ningtow Chyam Tuang Talicmei

*Jisu rui kuaklou e khatni kamei hei chuzhengmei tiime pu e, twmei
dinhmei Baibal chyam sinsw o*

Luk 7.50 “Nang ramlum rui nang ta kanlou the; chuzhengna tat tho”, twna
Jisu rui mi pui khou tei kadylou kan the.’

Baibal ningtow chyam tei sa/suan o kumna alaue nunc ta nang (tadin) thei
lay luaih khang sa o. Baibal ningtow chyam tei alaue nunc thay mak saanv
kaluaih dat dat o.

Alaue nunc Baibal ningtow chyam tei suan nuh khang latkaeng khou
khuangh lwan khatni action lou o.

Tadin: Nang ramlum rui, Alaue nunc: Nang ramlum rui

Tadin: nang ta, Alaue nunc: nang ta

Tadin: kanlou the; Alaue nunc: kanlou the;

Tadin: chuzhengna tat tho, Alaue nunc: chuzhengna tat tho,

Tadin: twna Jisu rui Alaue nunc: twna Jisu rui

Tadin: mi pui khou tei sa the. Alaue nunc: mi pui khou tei sa the.

Tadin: Luk kachyam 7. Alaue nunc: Luk kachyam 7.

Tadin: Kathaek 50. Alaue nunc: Kathaek 50.

Laalouna Piu Nime

*Jisu rui kuaklou e khatni kamei hei chuzhengmei tiime pu e, twmei
dinhmei laalouna piu nime sinsw o*

Jisu na rui chuzhengmei tiilou e. Jisu na rui zinghmei ti thui ganc ngam e.

Aniu Jisu ta thay pw khou aniu tuang sime lungning, sime taanv, sime
latsav tuang nritmei kaguayna laa ganloumei khang aniu kata thuancku
puni.

Huayneyme: Aniu tuang sime lungning, sime taanv, sime latsav tuang
nritmei kaguayna laa ganloumei khang thuancku e, Jisu. Ata kuakloumei
khang thuancku e, Jisu. Akhang chuzhengmei tiiloumei khang thuancku
e, Jisu. Ata tingsaengzaeng khang guloumei khang rui thuancku e, Jisu. Jisu
zanc khou ney e. Amen.

Swan: Kaniw tuang *Gaychamv Parybuk Panguh* tei tii o. Kaniw *Gaychamv
Parybuk Panguh* tei pah khang nkhaulou o.

Jisu rui
kuaklou
e khatni
kamei
hei chuz-
hengmei
tiime pu e